

**XCVII.**

*Le Prince d'Orange à Wesenbeke. Il lui recommande d'avoir toujours l'oreille au vent et l'oeil au guet et de l'avertir des choses d'importance. Bodleian libr. Ms. St. Amand 4 fol. 11.*

1571, le 9<sup>e</sup> Février.

—

Wesenbeke, Je ne vous ay jusques oires rien respondu sur trois voz lettres que j'ay receues par Aert Verbeke, datées respectivement les XXiiij<sup>e</sup> XXV<sup>e</sup> et XXVij<sup>e</sup> du mois passé, pour ce que je suis avecq très-grande dévotion attendant, d'entendre de Monss<sup>r</sup> de Ste. Aldegonde, (que j'ay passé quelques jours despeché devers vous) ce qu'il aura besoigné avecq vous, allendroict de ce que je luy avois donné en charge, qui me gardera de m'entendre aussy plus avant par ceste, ne soit pour vous dire que vueillez tousjours avoir l'oreille au vent et l'oeil au guet en tout ce que pourra concerner l'avancement de ces affaires, comme je me confie que le ferez. Et estant chose qui soit d'importance m'en pourrez tenir adverty pour selon ce me régler. Et en ceste endroit je supplieray Dieu vous avoir en sa sainte grâce. De Dillenberch ce IX<sup>e</sup> jour de Febvrier 1571.

Vostre bon amy

GUILLAUME DE NASSAU.

*A Mre Jacques de Wesenbeke.*

*Docteur en droict.*

R. [Essenn?] 12 February 1571. respondi 25. <sup>1</sup>

<sup>1</sup> Notice de Wesenbeke.

~~~~~